

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17) i člana 24. Zakona o internoj reviziji institucija Bosne i Hercegovine („Službeni glasnik BiH“, br.27/08 i 32/12), a u vezi s članom 5. stav (2) istog Zakona, direktor Centralne harmonizacijske jedinice Ministarstva finansija i trezora Bosne i Hercegovine, *d o n o s i*

O D L U K U

o donošenju Priručnika za internu reviziju u institucijama Bosne i Hercegovine

Član 1.

(Predmet odluke)

Ovom odlukom Centralna harmonizacijska jedinica Ministarstva finansija i trezora BiH donosi i objavljuje Priručnik za internu reviziju u institucijama Bosne i Hercegovine kao dio metodologije za vršenje funkcije interne revizije u institucijama Bosne i Hercegovine, u skladu s članom 5. Zakona o internoj reviziji institucija Bosne i Hercegovine.

Član 2.

(Primjena Priručnika)

- 1) Obaveza primjene Priručnika za internu reviziju u institucijama Bosne i Hercegovine odnosi se na interne revizore zaposlene u jedinicama interne revizije koje su uspostavljene u organizacijama iz člana 2. stav (2) Zakona o internoj reviziji institucija Bosne i Hercegovine.
- 2) Primjena Priručnika iz člana 1. ove odluke, u vršenju funkcije interne revizije u institucijama Bosne i Hercegovine obavezna je od 01.01.2022. godine.

Član 3.

(Dostupnost)

- 1) Priručnik za internu reviziju u institucijama Bosne i Hercegovine dostupan je, na službenim jezicima u institucijama Bosne i Hercegovine, na *web* stranici Ministarstva finansija i trezora Bosne i Hercegovine (www.mft.gov.ba) u dijelu koji se odnosi na Centralnu harmonizacijsku jedinicu Ministarstva finansija i trezora Bosne i Hercegovine.
- 2) Centralna harmonizacijska jedinica Ministarstva finansija i trezora Bosne i Hercegovine obavijestit će sve jedinice interne revizije u institucijama Bosne i Hercegovine o donošenju i objavljivanju Odluke o usvajanju Priručnika za internu reviziju u institucijama Bosne i Hercegovine i dostaviti im Priručnik u elektronskom formatu.

Član 4.

(Prelazne i završne odredbe)

- (1) Stupanjem na snagu ove odluke prestaje da važi Priručnik za internu reviziju sa standardima interne revizije, koji je objavljen Odlukom o usvajanju Kodeksa profesionalne etike za interne revizore u institucijama Bosne i Hercegovine, Povelje interne revizije u institucijama Bosne i Hercegovine i Priručnika za internu reviziju sa standardima interne revizije u institucijama Bosne i Hercegovine („Službeni glasnik BiH“ broj 82/12).

- (2) Interne revizije koje su strateškim i godišnjim planovima interne revizije započete, a nisu završene do 31.12.2021. godine, okončat će se u skladu s Priručnikom iz stava (1) ovog člana.

Član 5.

(Stupanje na snagu)

- (1) Odluka stupa na snagu osmog dana od objavljivanja u „Službenom glasniku BiH“.
- (2) Odluka i Priručnik za internu reviziju u institucijama Bosne i Hercegovine bit će objavljeni i na *web* stranici Ministarstva finansija i trezora Bosne i Hercegovine - Centralna harmonizacijska jedinica: www.mft.gov.ba.

Broj: 02-01-02-4-282-1/21
Sarajevo, 17.11.2021. godine

Direktor
Centralne harmonizacijske jedinice
Ministarstva finansija i trezora Bosne i
Hercegovine

Ranko Šakota, s.r.